

QUÆSTIO MEDICA.

Quodlibetariis disputationibus manè discutienda in Scholis Medicorum, die Lunæ prima mensis Martii.

M. TUSSANO FONTAINE, Doctore Medico, & Professore Regio, Præfide.

An in purgatione Natura Artis dux & magistra?

NATURA & Ars in morbis multa moluntur, ut humorem noxiū procul amandent. Illa spirituum & caloris perfusione humorem coquit vel temperat, coctum vel temperatum in vias convenientes pellit à privatis in publicas, dein certis in locis cumulat, ut cumulatim tempore foras possit abigere. Hæc omnia meditantī Naturæ Medicus interest, & si quid gravius incidat, oblata Artis ope, allaborantem sublevar: humorem, si contumax, Naturæ oblietetur succis melioribus additis tractandum præbet, si maligno putredinis æstu unā cum sanguine percitus, quā incubuerit calamitatem intenter, sedā venā effrenem coercet, repressis fervoris & motus causis, & ne quā minatur noxiū erumpat, aliō impetum abducit, & diverso dato ostio, vanum effundi sinit naturæ commodo. Mox verò cum tempus adveniret humoris per opportunos ductus ablegandi, si sollicitante ad exitum Natura moras nectat, cunctanti ars sedula imminet, & immisso Cathartico, quā sit ei viā discendum denuntiat. Hæc tria in morborum curatione peraguntur pari Naturæ & Artis consilio, sed dissimili industria, primum enim quoniam alimenterum usu continetur, unius Naturæ refert, alterum Epaphræsi absolvitur, & totum Artis est, tertium purgatione perficitur, quam salutare & tutam præfere, bene medendi apex est: hanc operam, hanc laudem Natura cum Arte dividit, sed non æquo ambarum laudis, vel operæ diuidendæ jure, nec successus merito, omnino enim pender à naturā secundus purgationis eventus, quæ nisi vidā jaceat fractis morbo viribus, vel hoc solo Medicinæ altero *spasmodico* quovis morbos conficere possit Epaphræsi prævia vel comite, nec non convenienti victus ratione; Ars verò docilis, si sapiat, nihil admodum adversus morbos salutare prolatura sit, nisi bene præcipientis naturæ monitus audiat, & præbenda purgatione sequatur quas Natura ei commoustrat errare non patientes vias.

SALUTAREM præfere purgationem funditis exhausto humore, & sublato reditu ægritudinis metu Naturæ propria laus est, Artis verò tutam conficere, omnis à Cathartico periculi instantis vel consequentis vitiatione; ab utraque parte felicius futura est purgatio, quam Natura Arti necessariam & tempestivam indicaverit. Tunc autem necessaria est purgatio, cum humor pravus alicubi in corpore redundans, neque emendari se tulit, neque hinc eliminari potuit, attamen sola insensibilis humoris copia, vel mota, captanda non est purgandi opportunitas; hanc multo plura indicere Artem Natura docet, & omnes Medico, ut purgare auit, observandos esse Naturæ nutus ex singulari humoris motu & conditione, variæ ægrotantis corporis affectione, virium robore & imbecillitate. Inter diversos purgandi humoris motus, quos Natura Arti proponit, duo eminent, Orgasmus & Pepsasmus. Orgasmus à multis jactatur Iniquum datum Arti à Natura signum potius Medicæ illic impingendæ, humore (quod quidam) purgationem clamante, Equidem quam in morbis insolens, & cognitu dubius est Orgasmus, tam verendus est incipiens purgationis index, si cūbi verus compareat haud temere, epaphræsi prætermissa, purgatione excipiendus: Pepsasmus, & quæ illum consequitur mali levatio, præclara purgandi occasio est, neque remittenda, nam sæpe in lubrico stat. Igitur quem votis & aptis Diætæ auxiliis ars pepsasmi promovet, oblatum usque tenebit, & collatis purgantium viribus naturæ se ad morbum expellendum sociam adjuget. Quoniam pepsasmi desperatione non sunt semper deponenda Cathartica: sat est ut instantis fati purgatione submovendi veniam impetrari sibi Ars intelligat, dum humor pepsasmi non domabilis, vel imminuta copia, vel proprio compresso æstu, vel febrili restincto ardore confederit, vel sponte in viam sedet à Natura communitam, & in quam ejus effluxum ars molliiter inflectere possit sine ullo discrimine.

PURGATIO vacuatio est humoris qualitate noxiæ à Natura susceptæ, Arte ad humoris excretionem naturam sollicitante a. l. h. i. b. i. t. o. Cathartico, in qua duo requiruntur, alterum ut sollicitate Naturæ vires valeant, quibus præstito sibi auxilio frui possit, alterum Artis est, sollicitandā Naturā, summa provisio, ne vis ei inferatur utraque sic conspirante, quod in purgatione caput est, humorem fecerit & externi certo ægrotantis solatio, hoc vna Natura perficit, dum cominus cum humore congregitur, eumque sua in sede aggressa, accidente Cathartico, sic illum versat, & suis agit modis, ut tandem impertita crasi ad purgandum idonea, illum inde, ubi latet, dimoveat, fecernat, dimotum secretumque partium robori exigendum dimittat. Ars Catharsim porrectura, ad omnia causarum momenta, ad omnes motus quos Natura vel morbus in ægro corpore vicissim ciere solent, aciem debet attendere, atque hinc sibi tempora dividere promovendæ purgationis, ac primo quidem illa caver ne foris major ingruat infestum rerum Naturæ in cursus, ne sanguis nimis vel febrilis incendii jam factus particeps, naturæ legitimam humoris excretionem molienti officiat etiam disiectam per aliarum partium feces impuritatem, vel intra septa continet, vel alio avocet, ne purgandum humorem adaugcat, & recoquendi necessitatem inferat: Demum verò eo semper intenta, ut quidquid intrò immittat, omnia semper naturæ tuta in purgatione præbeat, vel in ipso purgandi articulo, ægrotantis & medicamenti vires commissa Cathartica impendit, quoniam vires Naturæ facili opera elicere, elicitis uti possit quam minimo insitæ purgantibus caliditatis & acrimoniæ sensu.

NATURA in homine sive animus est, sive vis quædam animo subdita, omnium quæ in nobis propter valetudinem geruntur author est & conscia: hæc sola Cathartici ut & reliquis medicamentis novit uti, sive Ars intus, sive foris subministraverit: Cathartica autem communium partium diversorio primum accepta, jam tum suæ salubritatis specimina ferunt, cum innoxie in illis partibus versantur, hinc autem dirigente Natura, ea loca subeunt, in quibus & calori & spiritibus commissa, naturæ tardius forte sese liberantis incitamenta sunt. Nonnulli imbiberunt Cathartica vim & purgationis successum rerum convenientia, vel dissidio, vel quorundam corpusculorum concursu definire, sive Cathartica proliciendi ad se humoris virtute polleant, sive illum insito dissidio exterminent, nisi Natura Cathartico vim impressam, & additos humori aculeos queat percipere, incausam ab Arte adhibendus est, vel valentissimorum Cathartica usus.

PURGATIONE quæ Epaphræsi suffulta sit, Ars eo se extulit, ut multa in morborum curatione perficiat, quæ Natura inchoata & imperfecta reliquit, sed nullam inde laudem Ars tulerit, nisi ab ipsa cui succurrit, ejus adjuvande modum teneat, & omnia in purgatione ad naturæ normam & morem exigar, Ars quondam mirata sponte & confertim emissum humorem, multos morbo liberavisse, ad vehementiora Cathartica se primum contulit, eventus bonitate magis quam causarum & effectuum explorata serie, postmodum diuturno Cathartico usu, & periclitatione scientior, necnon seria naturæ suæ prævi morbos curantis consideratione, quod se potissimum in purgando referret, tandem habuit. Multis Natura modis suevit morbos solvere, sed non omnibus æque tuto, perirrhæa, sudore, vomitu, nunquam morbi sic toti discedunt, quin relicta empireumatis portione aliqua denuo revivant, quibus Ars Naturam imperitè imitata assiduas febres, intermittentes, incipientes, internarum partium inflammationes, Diureticis, Diaphoreticis, Emeticis curaturam se recipit. Illi vel difficillime dique ægrotant, vel merita nec morte pereunt, vnum alui profluvium omnium maxime criticum Natura esse voluit, in quo perolennes & confutitos ductus, nulla partium offensione, certā proximæ integritatis spēs, humor, morbi causa, rejicitur. Imiteritur igitur Ars Naturam, quod ostendit sequatur, & ut purgationem insituit perfectæ Crisæ æmulam, non tam remedia se reperisse gaudeat, quam à Natura didicisse, quæ alvo soluta pari humoris expurgandi facilitate, & securitate latentes ubi morborum causas valent prolicere. Apud ingenuè & liberaliter medentes, extant innumera ejusmodi Cathartica, quæ videntis Telluris sinu prodeunt, & Natura indice, Arte ministra in usum Medicum succedunt. Verum quidem illud est purgationem alteram esse Medicinæ manum, quæ nisi purgantibus convenienter instructa sit, nuda penè & inermis adversus morbos adhibetur. Alterum multo verius, Artem unde plurimum profutura esset, inde plurimum esse noxiuram, nisi usurpandis Cathartici Naturam sibi ducem & magistrā statuatur, atque adeò in hoc toto purgationis negotio impetrandis, consulendisque ægrotantium rebus Naturæ vim esse maximam, & omnis in purgatione boni principem nihilo scitius Arte sibi adjuncta.

Ergo in purgatione Natura Artis dux & magistra.

DOMINI DOCTORES DISPUTATURI.

M. Franciscus Gouël.

M. Antonius Varin.

M. Nicolaus Brunel de la Carrière.

M. Henricus Mabien.

M. Claudius Guerin.

M. Paulus Masrot.

M. Claudius de Frader.

M. Argidius le Bel, serenissimo Aurelianensium Ducisse, primarius Medicus.

M. Abrahamus Tournet.

Proponebat Lutetiæ AMANDUS DOUTE¹, Parisinus Baccalaureus Medicus. A. R. S. H. 1688.

